



Pou Piblikasyon Imedya: 05/07/2022

GOUVÈNÈ KATHY HOCHUL

GOUVÈNÈ HOCHUL ANONSE APLIKASYON YO OUVRI POU 343 MILYON DOLA SIBVANSYON POU FOUNISÈ GADRI KI VIZE MENDÈV

Eta New York ap bay sipò dirèk bay founisè gadri yo ak dezyèm seri sibvansyon estabilizasyon ki finanse pa Lwa sou Plan Sekou Ameriken federal la ak Lwa sou Kredi Siplemantè pou Entèvansyon ak Sekou kont Kowonaviris la

Gouvènè Kathy Hochul te anonse ke apati jodi a, yo pral aksepte [aplikasyon](#) pou 343 milyon dola nan finansman federal ki pral benefisyé dirèkteman founisè gadri epi kontinye ede stabilize endistri a. Biwo Sèvis pou Timoun ak Fanmi (Office of Children and Family Services, OCFS) Eta New York la ap jere fon yo.

"Dezyèm seri finansman estabilizasyon sa a reprezante yon opòtinite ak yon envestisman enpòtan pou ede stabilize davantaj sektè gadri a ak envestisman espesifik nan sipò mendèv yo", **Gouvènè Hochul te deklare.** "Nouvo sibvansyon sa yo pou founisè swen pou timoun yo pral ranfòse enfrastrikti yo epi sipòte mendèv yo, ki te epi ki kontinye enpòtan pou sipòte timoun nou yo."

Founisè ki elijib yo dwe pwogram gadri ki gen lisans oswa ki anrejistre nan OCFS, gadri pou gwoop lajounen ke Vil New York otorize oswa gwoop pwogram gadri ki egzante legalman (ki enskri ak yon ajans enskripsyon). Pral gen de fennèt aplikasyon selon kalite founisè a: 5 jiyè pou moun ki te resevwa premye seri Sibvansyon Estabilizasyon an ak 22 out pou tout pwogram gadri pou timoun ki gen laj pou ale lekòl ak nouvo founisè ki te gen lisans apre yo te lanse premye tou Sibvansyon pou Estabilizasyon yo.

Pou sipòte mendèv gadri a epi ede ak efò rekritman ak retansyon yo, omwen 75% nan finansman sa a dwe itilize pou sa ki anba yo, pou site sa yo sèlman:

- Bonis oswa ogmantasyon nan salè
- Kontribisyon nan depans asirans sante ki diminye depans sa yo pou anplwaye yo
- Kontribisyon nan plan retrèt anplwaye yo ki konplete nenpòt kontribisyon anplwayè yo
- Avansman edikasyon siplemantè oswa ranbousman frè ekolaj
- Sipò ak sèvis sante mantal pou anplwaye

Yo ka itilize rès 25% pou lòt depans ki kalifye yo. Ou ka jwenn plis enfòmasyon sou sibvansyon an [isit la](#).

Komisè OCFS la, Sheila J. Poole, te deklare, "OCFS kontinye tandem founisè gadri yo byen fò ak byen klè. Nou onore pou nou administre finansman sa a ki konsantre sou mendèv endistri gadri a. Travayè sa yo fè kèk nan travay ki pi difisil e ki pi enpòtan nan kominote nou yo, epi sipò sa yo t ap tann yo depi lontan."

Pou rasyonalize ak senplifye pwosesis aplikasyon an, founisè yo pral aplike atravè yon aplikasyon inik sou entènèt. Sipò asistans teknik pral disponib pa ajans Resous ak Referans pou Gadri yo pou ede founisè swen timoun yo ranpli aplikasyon an sou entènèt. Tanpri klike [isit la](#) pou enfòmasyon sou kontra ajans yo. Yo ankouraje founisè yo pou yo revize Deklarasyon Enterè Sibvansyon an ak anpil atansyon pou plis detay sou kalifikasyon an.

Aplikasyon yo pral disponib [isit la](#) apati 5 jiyè jiska 30 novanm 2022.

###

Lòt nouvèl disponib sou sit www.governor.ny.gov
Eta New York | Chann Egzekitif | press.office@exec.ny.gov | 518.474.8418